



Eerste Ouervergadering 2026

Baie dankie vir u as ouers se teenwoordigheid en belangstelling by die vergadering. Baie dankie ook aan elke mamma/pappa wat hul naam by 'n komitee opgegee het. Ons verstaan dat álmal nie by 'n komitee betrokke kan wees nie, maar dat u ook op ánder maniere vir Tjokkies kan ondersteun. Ons beklemtoon graag belangrike inligting soos op die vergadering deurgegee:

Slagspreuk/gedagte van die jaar:

Soos 'n legkaart (bou)

Mag alles by Tjokkies vanjaar soos 'n legkaart
inmekaar pas en mag ons saam bou aan
elke kindjie se reeds pragtige karakter.

Ondersteunersonderrig

Kinderkinetika, Klasmusiek en Smartee klasse val onder die begroting en geen ekstra koste is van toepassing nie. Wanneer ons bekommerd raak oor uitvalle of agterstande by 'n kleuter, word die kleuter vir Arbeidsterapie of Spraakterapie verwys. Verwysings word nie onnadenkend gedoen nie, maar uitsluitlik as dit onvermydelik is en in belang van die kleuter.



Tjokkiedrag

Tjokkiedrag word **Dinsdae** en **Donderdae** gedra. Sodra die geborgde kaalvoet-hempies gereed is word dit Maandae gedra. Alle skooldrag móét met rooi, wit of navy bybehore gedra word. Hare moet netjies wees. Enige tekkies of plakkies, wit kouse of Tjokkie-kouse en nie hakskoentjies nie.



Kommunikasie

Hou W/app kommunikasie asseblief slegs tussen klasjuffrou en ouer, nie assistente nie. Onthou 'n juffrou sien nie noodwendig 'n boodskap in skooltyd nie.

Vir boodskappe deur die loop van die oggend, kontak Sanet by die kantoor.



Skooltye

Die skool open 6:50

Probeer kleuters vóór 7:45 by die skool hê

Oggendkleuters verdaag tussen 12:30 en 13:10

Middagkleuters tussen 15:10 en 17:10

Middagpersoneel moet ook reeds 17:10 verdaag



Voortuin/ Agtertuin reël

Om 12:25 verdaag alle oggendkleuters na die voortuin en álle middagkleuters na die agtertuin.

Wanneer 'n middagkleuter vroeg afgehaal gaan word, verdaag hy/sy stéeds na die agtertuin saam met die middagkleutergroep.



Die kleuter kan dan dáár afgehaal word.

Pettedag

Dinsdag, 27 Januarie

Kosblikke

Asseblief géén lekkers, soet koekies of chippies in die kleuters se kosblikke nie, ook nie Vrydae nie. Daar is soveel gesonde lekkernye, wat goed is vir jong groeiende lyfies, om saam met die broodjies in te pak.

“Happie-tyd” is eers na 9 en ‘n kleuter kan nie op ‘n honger magie funksioneer nie. Alle kleuters móét asb tuis iets eet voordat hul skool toe kom, al is dit net ‘n bietjie.



Konkrete werkswyse

Tjokkie kleuters werk en leer deur konsepte, begrippe, kennis en vaardighede met hul hele lyfie en al hul sintuie te ervaar, daarom word akademiese werkvelle beperk.



Kommittee vergaderings om 17:15

Maandag,
26 Jan
Terrein

Dinsdag,
27 Jan
Sosiaal

Woensdag,
28 Jan
Gholf

Dinsdag,
3 Feb
Bederfdag

Buitemuurs

Privaat buitemuurs begin 2 Februarie en geskied ná 15:10 in die namiddae. Skryf u kleuter so gou as moontlik in as u belangstel.

Verjaarsdae

Wanneer ‘n kleuter verjaar is u welkom om een klein versnapering saam te stuur vir die klassie, maar dis nie ‘n noodsaaklikheid nie. Toelaatbare versnaperinge is iets soos pankoek, kolwyntjies, ‘n stokkie-roomys, ‘n klein pakkie lekkers of doughnuts. Een soort item is voldoende. Asseblief nie koeldrank of partytjie bybehore nie. U kan ‘n kersie saam stuur, maar asseblief géén vuurhoutjies in ‘n kleuter se tas nie. Baie dankie vir u begrip. Ons maak graag u kleuter se verjaarsdag spesiaal vir hom/haar!

Swem op Vrydae



1. Wees gerus, veiligheid is altyd ons eerste prioriteit.
2. Trek Vrydae klere aan wat kleuters maklik self kan aan- en uittrek.
3. Moenie die swemklere onder die dag se klere aantrek nie!
4. Bring die swemklere en handdoek in 'n winkelsakkie op "sling"-sakkie binne-in die Tjokkiesak saam.
5. Smeer soggens tuis klaar sonroom aan. (As ons al die kleuters hier moet smeer, maak dit die swemtydjie kort)
6. Hulpmiddels soos vlerkies is aan die begin toelaatbaar vir kleuters wat onseker voel. (Dit moet asb tuis klaar opgeblaas word)
7. Geen poolnoodles of tjoepies nie. Swembrille is toelaatbaar as dit noodsaaklik is.
8. Al voel 'n kleuter dat hy/sy nie wil swem nie, stuur asb steeds die swemklere saam. Hulle sit voetjies in die water en kry soms lus om in te gaan.
9. Die swembad beskik oor 'n gróót vlak kant waar kleuters kan staan.
10. Dogtertjies moet met 'n swempet swem of 'n stywe franse vlegsel in die hare hê vir swem.
11. Swemklere word weer ná die swemperiode uitgetrek en in die sakkie in die tas huis toe geneem. Leer u kleuter dat dit so gedoen moet word.
12. Alle klere en handoeke moet asb duidelik gemerk wees. Baie dankie vir u begrip. Ons hoop dat die kleuters die swem baie sal geniet!

Tjokkies

2027

Graad R & Graad RR aansoeke vir
volgende jaar open Sondag, 1 Februarie
om 5:00 op Google-forms.

www.tjokkies.co.za

Herinner asseblief u familie en vriende

Let op na datum:
Sondag, 1 Feb

Op Tjokkies Primêre Skool
se kalender word
dit per abuis as
2 Feb aangedui.



Ken-mekaar piekniek

Donderdag, 5 Februarie vanaf 17h30
op die grasperk langs die skoolsaal. (Voorlopig)

30

TEMA: 'n Kinderpartytjie

Trek in jou klas se kleur soos vir 'n kinderpartytjie aan.
Skep gees deurdat die hele familie deelneem aan die tema.
Wees kreatief en wen 'n prys!

Voltooi volgende week die "poll" op die klasgroepe
om getalle te bevestig.

Let wel: Tydens hierdie geleentheid is die toesig van u
kinders u eie verantwoordelikheid.

Bring kampstoele en 'n piekniekmandjie vir u gesin.
'n Lig is opsioneel.

Die skool verskaf roomys vir oud en jonk!
Daar sal "glowsticks" te koop wees - bring kleingeld saam.

Uitknipwerk

Een keer per jaar wil ons graag van u hulp gebruik maak vir die uitknip van sekere vormpies of prentjies, omdat ons so baie daarvan nodig kry vir die jaar se skeppende aktiwiteite.

Indien u 'n beurt kry en hierdie "werkie" in u kleuter se tas vind, sal ons baie dankbaar wees as u kan help. Dit hoef nie onmiddelik teruggestuur te word nie, u kan 2 tot 3 dae daarvoor gebruik.

Nogmaals dankie!



Kaalvoethempies

Ons benodig borge vir hierdie spesiale Tjokkie hempies en sal dit graag so gou as moontlik wil bekom om dit vir die kleuters beskikbaar te stel sonder dat dit aangekoop hoef te word.

Kontak asb vir Sanet by die kantoor.

Baie dankie vir u ondersteuning.

Tjokkies
kaalvoetkleuters